



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

XXXVII. Die Markgrafen Johann, Otto und Konrad incorporiren die Kirche zu Neuendorf der Kellnerei des Domcapitals, am 6. Dezbr. 1270.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

XXXVI. Das Capitel zu Stendal erweist gegen den Bischof von Halberstadt seine in Abrede gestellte Immunität, am 28. August 1266.

Magister theodericus et magister iohannes de neindorp, Rodolfus de erpiz et Bartoldus, canonici sancti Sebastiani in magdeburch, omnibus presentem litteram inspecturis salutem in salutis auctore. Cum inter venerabilem patrem dominum Wradum halberstadensem episcopum ex una, et Decanum ac capitulum stendaliensis ecclesie ex parte altera, super exemptione, qua dicta ecclesia exempta est, questio uerteretur, tandem de communi partium uoluntate processit, ut dicto domino episcopo uel aliis ab eo deputatis exemptionis priuilegium, quo dicti Decanus et capitulum gaudent, exhiberetur in domo fratrum predicatorum in magdeburch inspiciendum, die uero ad hec constituta, domino hermanno de cruceburch scolastico et domino Bertoldo de clettenberge canonicis halberstadenfibus et magistro iohanne pro parte dicti episcopi ad hec deputatis, placuit ut inspectio, que per eos fieri deberet in domo fratrum predicatorum fieret in ecclesia nostra propter festum beati augustini, quod tunc apud dictos fratres sollempniter agebatur, quod pars decani et capituli stendaliensis ecclesie acceptauit. Nos uero ad petitionem dictorum decani et capituli vna cum predictis honorabilibus uiris hermanno scolastico, B. de clettenberch scilicet et magistro iohanne priuilegium, quo ecclesia stendaliensis exempta est, inspeccimus et diligenti examinatione premissa inuenimus ipsum in prima figura, non cancellatum, non abolatum nec aliqua parte sui uiciatum bulla, filo, stilo — et carta integrum per omnia et perfectum. In cuius facti testimonium presentes litteras sigillis nostris duximus roborandas. Sane ne de dicti priuilegii tenore in posterum valeat dubitari, nec iterato dicti decanus et capitulum sub aliquo periculo ipsum exhibere cogantur, ad supplicationem ipsorum dictum priuilegium de uerbo ad uerbum referibi fecimus et inuenimus in hec uerba. (Hier folgt die oben unter Nr. II. mitgetheilte Bulle des Papstes Clemens vom 29. Mai 1188.) Acta sunt hec anno dominice incarnationis M. CC. LXVI^o. V^o. kalend. septembris in ecclesia beati sebastiani in magdeburch, Missis presentibus domino bartoldo decquene et magistro herberto canonicis sancti sebastiani, domino herico de gaterfleue, domino arnoldo cornice et domino ludolfo canonicis sancti nicolai, et domino Th. de ponte uicario eiusdem ecclesie, sub priore fratre Friderico de oluenfede ordinis predicatorum magistro Willekino de brandenburch et aliis quam pluribus probis uiris.

XXXVII. Die Markgrafen Johann, Otto und Konrad incorporiren die Kirche zu Neuendorf der Kellerei des Domcapitels, am 6. Dezbr. 1270.

In nomine domini amen. Johannes, Otto et Conradus, dei gracia Brandeborgenses Marchiones — in honorem dei omnipotentis et gloriosissime virginis Marie, Beati Nicholai et sancti Bartolomei jus patronatus Ecclesie in Niendorf ipsi stendalensi Ecclesie donauimus perpetuo possidendum Ita, ut dicta Ecclesia in Niendorf Cellerarie dicte stendalensis Ecclesie apponatur, ut is, qui pro tempore officio predicto in eadem presuerit Ecclesia, ipsi Ecclesie et personis inibi deo deseruientibus perfectius et commodius valeat deseruire et ob hoc anniuersarius patris et matris nostre necnon nostri vxorumque nostrarum in eadem Ecclesia, cum diuina iubente clementia ab hac uita discesserimus, debeat perhenniter obseruari. Et ut hec nostra laudabilis donatio perpetuo et inuolabiliter obseruetur, presen-

tem litteram ex certa nostra conscientia dari fecimus, sigillorum nostrorum appensionibus roboratam, adhibitis Testibus ydoneis, domino Adam dicte Stendalensis ecclesie preposito et Rodolfo eiusdem Ecclesie Canonico, clericis, Anhelmo de Blanckenborch, Bertrammo de bentz, Johanne de Wozftrowe, Bolcone pincerna et aliis quam pluribus fide dignis. Actum et datum in Merica Turglowe, Anno dominice jnc. M^o. CC^o LXX^o. VIII ydus Decembris.

XXXVIII. Vergleich zwischen den Vorständen der Stadt Stendal einerseits und dem Domcapitel andererseits über die Steuerfreiheit der domherrlichen Curien, vom 7. Jan. 1272.

Johannes de hac advocatus, Scabini, Consules et vniuersitas burgensum in Stendale. Notum fieri uolumus, tam modernis quam posteris christi fidelibus vniuersis, quod nos ex deliberato consilio pro bono pacis et concordie cum honorabilibus viris decano et capitulo Stendaliensis ecclesie talem formam iniuimus vnionis, quod nos decem curias videlicet aream prepositure, curiam Alberti decani, curiam prepositi Johannis Repinensis, curiam Magistri heinrici Duferi, curiam Magistri Alberti de Snetlinghe, curiam Arnoldi de dequede, curiam Johannis plebani, curiam Godefridi Flasmegeri, curiam Frankonis Scolastici, curiam Rodolphi cellerarii dotales pro prepositi decani et canonicorum, qui pro tempore fuerint, usibus liberas perpetuo et ab omni exactione et iure ciuitatis solutas duximus dimitendas, vt nullus ex nobis aut aliquis ex nostro consilio uel mandato in iam nominatis curiis presumat aliquid statuere, disponere aut aliquo modo ordinare. Sed quoniam de duabus curiis ex predictis videlicet de curia nunc prepositi Johannis Repinensis et de Curia domini Frankonis nunc Scolastici nos nomine ciuitatis tempore exactionis solebamus petere, tamquam juris nostri essent, quatuor Solidos exfoluendos, nos tali exactioni omnimode perpetuo renunciamus. Insuper tribus curiis ex predictis decem, videlicet aree prepositure, curie nunc Magistri heinrici duferi et Curie Rodolphi cellerarii, plateam infra ipsas Curias et cimiterium sitam unanimiter et liberaliter addidimus, ita ut qui dictas inhabitant curias aut inhabitaturi sunt, ibi edificent sicut suis uiderint usibus expedire. In restaurum uero omnium predictorum mansum vnum, juxta Niwinkele situm, ciuitatis nostre pascuis adjacentem, de quo nos dictis dominis et ecclesie decem solidos dedimus annuatim, dicti domini nobis et ciuitati liberaliter dimiserunt et cum omni jure perpetuo possidendum, renuntiantes omni juri, quod in dicto manso ad hec tempora habuerunt aut dinoscuntur habuisse, ita quod nec ipsi nec eorum posteri aliquid juris in eodem umquam sibi presumant aut ualeant uendicare. Preterea ut omnis rancoris inter ipsos et nos materia desicidatur, cum dictis dominis Decano et capitulo conuenimus in hunc modum: Si ad ipsos et eorum ecclesiam ex ordinatione testamentorum seu ex alio quocunque casu hereditates alique infra ciuitatem de jure fuerint deuolute, eas infra annum et diem uendent, si eas aliquis decreuerit emere aut pro precio comparare. Quod si fortassis non possent cum emptoribus de precio conuenire, duobus ex canonicis et duobus probis viris ex nobis talium hereditatum taxacio committetur, ut sub juramenti cautione secundum ualorem debitum taxent eas et pro tanto ementur ille, si eas aliquis uoluerit comparare, alioquin eas ecclesia et domini usque aliquis emptor comparauerit obtinebunt. Acta sunt hec Stendal in ecclesia sancti Nicolai, presentibus viris ydoneis clericis et laycis infra scriptis Domino Alberto decano, Johanne preposito Repinense, Magistro Alberto de Snetlinghe, Magistro heinrico Dufero, Arnoldo de Dequede, Johanne plebano, Godefrido flasmengero, Ludero, Frankone Scolastico, Rodolpho canonicis,